

Rapport dalla sessiun dil cussegl da vischnaunca dils 30-04-2018

Tractanda 1

Approbaziun dil protocol dalla sessiun dils 22-01-2018

Il protocol dalla sessiun dils 22-01-2018 vegn approbaus en votaziun unanimia cun engraziament.

Tractanda 2

Render quen per 2017

- a) Orientazion e discussiun
- b) Rapport dalla cumissiun da gestiun
- c) Approbaziun da quen e bilanza

Il president communal Dumeni Tomaschett presenta ils puncs impurtonts dil quen communal digl onn 2017 sco suonda:

Il quen current siara cun expensas totalas da frs. 7'986'876.57 ed entradas totalas da frs. 7'966'381.89, pia cun in pign surpli d'expensas da frs 20'494.68. Igl ei vegniu fatg amortisaziuns ordinarias ell'altezia da frs. 207'958.55, amortisaziuns supplementaras da frs. 1'642'168.35 e frs. 7'200.- tier l'ovra hidraulica Runcalatsch. Il gudogn avon amortisaziuns (cashflow) munta à frs. 842'242.31.

Per la presentaziun dil quen vegn surdau il plaid alla canzlista communal.

Il quen d'investiziuns siara cun expensas totalas da frs. 2'105'517.70 ed entradas totalas da frs. 1'606'552.75.

Las grondas posiziuns secloman:

• Sanaziun vias communalas	frs.	233'767.10
• Via Pendas	frs.	166'723.05
• Sanaziun via Principala	frs.	225'998.10
• Sanaziun illuminaziun Via Principala	frs.	75'604.85
• Investiziuns canalisaziun communal	frs.	68'896.50
• Maschinas communalas	frs.	169'918.80
• Project via Munt	frs.	1'125'766.75

Allas damondas che vegnan tschentadas ord il cusegl san suprastanza e canzlista rispunder per cuntentientscha dallas cusseglieras e dils cussegliers.

La presidenta dalla cumissiun da gestiun Catrina Livers rapporta davart la laver dalla cumissiun.

La cumissiun da gestiun ed il biro da revisiun recamondan l'approbaziun dil quen cun engraziar e dar scarica als funcziunaris responsabels ed als collaboraturs dall'administraziun.

Sin fundament dallas examinaziuns propona la cumissiun da gestiun:

- **d'approbar il quen 2017 che siara cun in surpli d'expensas da frs. 20'494.68**

- da dar scarica als responsabels dall'administraziun communal a ed alla suprastonza communal a admettend a tuts il meritau engraziament per lur buna lavur e quitau per ils fatgs communals
- da dar scarica a tuts funcziunaris ed emploiai communals renconuschend la vasta lavur prestada

Cun 14 : 0 vuschs approbescha il cussegl da vischnaunca il quen communal digl onn 2017 tenor la proposta dalla cumissiun da gestiun cun resalva dil referendum facultativ.

Tractanda 3

Approbaziun dil quen 2017 dalla meglieraziun Schlans

Igl onn 2017 ha ei dau expensas totalas da frs. 307'435.60 ed entradas totalas da frs. 110'000.-. Las lavurs vid las vias Prada Giudem-Spinas e Tunseuna-Furschaniz ein vegnidias terminadas. Las expensas totalas per igl entir project da meglieraziun da Schlans contonschan per la fin digl onn 2017 la summa da frs. 10'097'343.35. Las entradas da confederaziun, cantun, vischnaunca e privats muntan à frs. 9'742'314.15. Aschia seresulta pils 31 da december 2017 in surpli d'expensas da frs. 355'029.20.

Il quen ei vegnius revedius dalla cumissiun da gestiun e dils revisurs dil biro Confidat.

Cun 14 : 0 vuschs vegn il quen 2017 dalla meglieraziun da Schlans approbaus.

Tractanda 4

Damonda dalla fatschenta Edecom SA per in dretg da baghegiar sin parcella 3049

Eugen Monn vul extender la purschida dalla fatschenta Edecom. El intenziunescha da schar a tscheins infrastructura per occurrenzas pli grondas, naven da mobiliar tochen tribunas moviblas etc. Per survegnir il spazi necessari per l'infrastructura vul Eugen Monn construir ina halla sin parcella 3049 en la zona d'Industria a Clius. La suprastonza communal a ei sefatschentada cun la damonda ed ei digl avis da conceder il dretg da baghegiar e d'applicar las medemas cundiziuns sco per ils dretgs da baghegiar ch'ein gia vegni concedi duront ils onns passai ad outras fatschentas dil vitg.

La suprastonza communal a propona:

- Da conceder alla fatschenta Edecom SA il dretg da baghegiar per in cuoz da 60 onns
- Per ils emprems 10 onns naven dil datum da contract vegn desistiu d'in tscheins pil dretg da baghegiar
- Pil rest dil temps da contract paga il favorisau in commensurau tscheins per il dretg da baghegiar.

Cun 14 : 0 vuschs autorisescha il cussegl da vischnaunca la suprastonza communal a d'exequir quella fatschenta tenor proposta.

Tractanda 5

Revisiun parziale dil reglement pil diever da stabiliments communals

Sin fundament d'entgins fatgs che caschunan adina puspei discussiuns ha la suprastonza communal a decidiu da reveder il reglement pil diever da stabiliments e ha installau ina gruppa da lavur persuenter. Il cussegl da vischnaunca repassa il regulativ e las midadas proponidas entras la suprastonza communal a.

Cun 14 : 0 vuschs approbescha il cussegli da vischnaunca la revisiun dil reglement per diever da stabilitments communals e decida da metter en vigur tal sin igl 1. d'uost 2018.

Tractanda 6

Elecziun d'ina ulteriura commembra en la cumissiun da cultura

Ils 22 da schaner 2018 ein Erica Cavegn-Pfister, Philippe Vincenz e Wendelin Decurtins vegni elegi en la cumissiun per fatgs da cultura. Sco ulteriura commembra ei Flurina Bundi promta da far part alla cumissiun.

Cun 14 : 0 vuschs elegia il cussegli da vischnaunca Flurina Bundi en la cumissiun da cultura.

Tractanda 7

Vendita da terren - Damonda da Michel Deplazes e Carla Guldemann per cumpra dalla parcella 3005 a Pustget

Michel Deplazes e Carla Guldemann damondan da comprar la parcella 3005 che sesanfla en zona da baghegiar a Pustget. Els intenziuneschan da construir ina casa. La suprastonza communal propona da vender il terren per las medemas cundiziuns sco tier la vendita dallas outras parcellas da baghegiar a Pustget.

Unanimamein decida il cussegli da vischnaunca da vender la parcella 3005 a Michel Deplazes e Carla Guldemann.

Tractanda 8

Verificaziun dalla votaziun communalala dils 04-03-2018

Cusseglier Claudio Thalmann declara che Rafael Guldemann, Andreas Küttel ed el hagien sco commembers dalla cumissiun per verificaziun da votaziuns controllau ils resultats dalla votaziun communalala dils 4 da mars 2018 ed anflau tut en uorden. En num dalla cumissiun propona Claudio Thalmann da verificar ils resultats publicai.

En votaziun unanima verifichescha il cussegli ils resultats publicai dalla votaziun communalala dils 04-03-2018.

Tractanda 9

Pusseivladad da tschenttar damondas

Dalla pusseivladad da tschenttar damondas vegn fatg diever.

Per il cussegli da vischnaunca

Il president
Beat Pfister

L'actuara
Sandra Gautschi